



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1589. usque ad annum 1595 - Una Cum Criticis R.P.
Honorati A S. Maria Carmel. Discalc. Observationibus In Historiam
Ecclesiasticam Abbatis Fleurii

Fleury, Claude

August. Vind. [u.a.], 1772

VD18 90118669

§. 2. Gondius Cardinalis Roma Parisios reversus.

[urn:nbn:de:hbz:466:1-67252](https://nbn-resolving.org/urn:nbn:de:hbz:466:1-67252)

§. II.

Sæcul. XVI.
A. C. 1594.

*Gondius Cardinalis Roma Parisios
reversus.*

Cum Henricus hac actione luculentum suæ erga Pontificem obedientiæ testimonium ederet, paulopost Gondius Cardinalis in Franciam redux Lutetiam Parisiorum, cujus urbis Episcopus erat, venit, atque primas eo curas intendit, ut tam regulari, quam sæculari Clero injungeret, quatenus pro Regis Christianissimi conservatione consuetas preces funderent, ac eundem Henricum IV. tanquam verum, & legitimum Franciæ Regem omnino venerarentur: cum autem Religiosorum nonnulli sese opponerent, illos Cardinalis acerbis verbis objurgans inhibuit, ne amplius ipsius conspectum subirent; Postea Fœderatorum nonnulli de hac Cardinalis severitate datis Romam literis summum Pontificem certiores reddebant, rem iis depingentes exaggerationibus, quas seditionis libido inspirare poterat: equidem Papa hanc Præsulis agendi rationem se minus ratam habere simulabat, quinimo assererat, se illum data temporis, occasionisque opportunitate ob hanc culpam castigaturum, mox tamen adjunxit, quod spectata Gallicarum rerum vicissitudine jam accensum

Avila l. 14.

Ff 2

ignem

Sæcul. XVI. ignis novis flammis augere non conveniat: enimvero prudens erat hæc Pontificis animadversio; quippe vel soli Hispani suis artibus tot tumultus, ac diffusiones excitabant, ut abs dubio regnum extremo involutum fuisset exitio, nisi Deus visibili etiam suo præsidio illud tutatus fuisset.

§. III.

Henrici consilium de bello Hispanis inferendo.

Cum ergo Henricus diu admodum ejusmodi Hispanorum molimina non sine animi sui mœrore tolerasset, tandem occupatis pluribus majoris momenti urbibus, copiosissimo suorum fautorum numero suffultus, in Senatu decreverat, quod etiam interiora Hispanici Regni loca armis depopulari velit. Cum vero ex hac expeditione maxima malioritura probe prospiceret, priusquam hoc consilium executioni daret, ad Arthesiæ, & Hannoniæ Ordines hæc perscripsit: „nisi copias vestras a Franciæ finibus educendi licentiam ab Hispaniæ Rege petieritis, atque hostilia, prout hucusque fecistis, in Camera-censes, & illius Metropolis incolas, subditos meos in fidem meam receptos, exercere cessaveritis, armorum meorum æquitatem clandestinis vestris „confi-